

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 33. redovnoj sjednici održanoj 30. novembra 2022. godine, usvaja

**ZAKON
O IZMJENAMA I DOPUNI ZAKONA O JAVNOM PREDUZEĆU
“LUKA BRČKO” BRČKO DISTRIKT BOSNE I HERCEGOVINE**

Član 1

U Zakonu o Javnom preduzeću „Luka Brčko“ Brčko distrikt Bosne i Hercegovine (Službeni glasnik Brčko distrikta BiH — prečišćeni tekst, brojevi: 06/18 i 11/20) u članu 2 iza stava 1 dodaje se stav 2 koji glasi:

“(2) Prava osnivača iz stava 1 ovog člana ostvaruje Skupština Distrikta.”

Član 2

U članu 8, tekst “(„Službeni glasnik Brčko distrikta BiH“ 11/01, 10/02, 14/02, 11/03 /04/04)“, se briše.

Član 3

Član 13 mijenja se i glasi:

„Član 13

“(1) Upravni odbor sastoji se od 6 članova i bira se na period od četiri godine.

(2) Pet članova upravnog odbora bira se na osnovu javnog konkursa. Sastav upravnog odbora odražava sastav stanovništva Distrikta.

(3) Jedan član upravnog odbora je na prijedlog Vijeća ministara BiH.

(4) Najviše tri člana upravnog odbora mogu biti iz reda državnih i javnih službenika zaposlenih u organima javne uprave i institucijama Distrikta.

(5) Članovi upravnog odbora ne mogu biti:

a) direktori javnih preduzeća,

b) lica koja su u upravnim odborima drugih javnih preduzeća,

c) direktor drugog preduzeća koje je osnovano ili je u vlasništvu javnog preduzeća,

d) lica koja imaju manje kvalifikacije i manje radnog iskustva od rukovodnog organa javnog preduzeća, kojeg biraju,

e) lica koja su u radnom odnosu u javnom preduzeću,

f) lica koja su pravosnažnom sudskom presudom osuđivana za vršenje krivičnih djela i lica protiv kojih se vodi krivični postupak, osim krivičnih djela iz oblasti saobraćaja.

(6) Mjesečna naknada za rad u upravnom odboru iznosi:

- a) za člana upravnog odbora do iznosa jedne prosječne neto plate isplaćene u Distriktu, za prethodnu godinu;
 - b) za predsjednika upravnog odbora naknada iz tačke a) ovog stava uvećava se za 20%.
- (7) Upravni odbor za svoj rad odgovara osnivaču javnog preduzeća.“

Član 4

- (1) U članu 13a mijenja se stav 2 i glasi:

„(2) Komisija iz stava 1 ovog člana raspisuje javni konkurs za izbor i imenovanje članova upravnog odbora koji se objavljuje na zvaničnoj internet stranici Skupštine Distrikta i javnog preduzeća i otvoren je 15 (petnaest) dana od dana objave. U slučaju različitog datuma objave na internet stranici kao rok za podnošenje prijave računa se posljednji datum objave na internet stranici.“

- (2) U članu 13a stavu 5 riječi: „15 dana“ mijenjaju se riječima: „30 dana“.

- (3) U članu 13a stavu 6 riječi: „15 dana“ mijenjaju se riječima: „30 dana“.

Član 5

Član 23 mijenja se i glasi:

„Član 23

- (1) Javno preduzeće se finansira iz sljedećih izvora:

- a) prihoda od obavljanja djelatnosti javnog preduzeća,
- b) budžeta Distrikta, i
- c) drugih izvora.

- (2) Sredstva iz budžeta Distrikta se obezbjeđuju u skladu s usvojenim planom poslovanja javnog preduzeća.“

Član 6

U članu 25 stav 4, se briše.

Član 7

Član 30 se mijenja i glasi:

„Član 30

- (1) Eksterna revizija se vrši u skladu s propisima Distrikta kojima se reguliše oblast eksterne revizije preduzeća.
- (2) Revizorski i finansijski izvještaji dostupni su javnosti putem zvanične web-stranice javnog preduzeća.“

Član 8

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-5733/22

Brčko, 30. 11. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić